

Baofisiri ba khastomo ba tshwere diokobatši tša R40m ka Boemafofane bja Ditšhabatšhaba ka OR Tambo

Tshwane, 13 Setemere 2021 – Baofisiri ba Ditirelo tša Motšhelo tša Afrika Borwa (SARS), ba tshwere diripana tše 67 tša *calcium hydroxide* yeo e dirišwago go tšweletša crystal methamphetamine, yeo e tsebjwago kudu bjale ka “ice” goba “tik”. “Party drug” ya boima bja 132.41kg gape ya boleng bja R40-million, e golegilwe ka boema bja dithoto ka Boemafofane bja Ditšhabatšhaba ka OR Tambo (ORTIA).

Yuniti ya Dimpša tša Didupe tša ka Khasetomo e ile ya bitšwa bakeng sa ditlhahlobo tša ka mehla go hlaloba sefofane seo se bego se sa tšwela go tsorama sa dithoto. Mola go sa lebeletšwe go kolekwa ga dithoto, mootledi wa senamelwa o ile a lemogwa a itshwere ka mokgwa wa go belaelša. Mootledi o be a laiša dithoto go tšwa mapokising a mabedi (2) a laišetša ka sefatanageng sa gagwe.

Mootledi o ile a lebjwa gomme baofisiri ba kgopela go dira tlhahlobo. Baofisiri ba hweditše diploko tše 67 tša ditšweletšwa tša setagi tša go se tsebjwe tšeo setlogo sa tšona e lego Addis Ababa. Khiti ya go lekola tagi e dirišitšwe go leka diteng, tšeo di filego dipoelo tša phoethifi tša *crystal meth*. Dithoto di laodišitšwe bjalo ka be dithoto tša mong.

Kgoro ya Ditirelo tša Maphodisa a Afrika Borwa ya Dinyakišišo tša Pele tša Bosenyi (Hawks) e ile ya lemošwa ka ga tupelelo ye go tiišetša le go leka gape setšweletšwa sa setagi. Teko e bile phoethifi bakeng sa calcium hydroxide. Motlišagae le mootledi ba ile ba tshwarwa. Kgetsi ya bomenetša e ile ya ngwadišwa le SAPS bakeng sa dinyakišišo tša go išapele.

Tupelelo ya nkgapele ya phuruphutšo ka ORTIA ka June 2021 e utullotše *mandrax*, ya kimelo ya 1 746kg ya boleng bja R105-million, e fihla e tšwa ka Kenya,

Khomišinare wa SARS Mrn Edward Kieswetter o ile a reta maitekelo a sehlopha seo se tshweregogo ditagi tše kotsi, gomme o tladitše ka gore “ge eba go be go sa tšewa

magato, naga ya rena le baswa ba be batla be ba itemogetše kotsi ya ditagi". O phatlaladitše temošo ya gore "SARS e dirišanammogo le dietšensi tše dingwe tša semolao, gomme e ka se dikadike go itebantšha le bao ba amegago go bosenyi bjo gape e tla thibela phepo ya ditagi tše kotsi tšeo di tšhošetšago le go senya bokamoso bja naga ya rena kudu baswa ba rena".

Diswantšho tša *crystal meth* tšeo di hweditšwego ka ORTIA